

寶慶四明志

四明定海縣志目錄

卷第一

叙縣

沿革論

境土

風俗

縣令

社稷

城隍

學校

城郭

坊巷

倉庫務場

公宇

官僚

驛鋪

叙山

叙水

渠堰礮閘橋
梁津渡附

叙產

見郡志

卷第二

叙賦

鄉村

鎮市

田畝

戶口

夏稅

秋稅

酒

商稅

雜賦

職田

鹽

叙兵

水軍

弓手

土軍

叙人

見郡志

叙祠

神廟

宮觀

寺院

叙遺

存古

紀異

四明定海縣志目錄

四明志卷第十八

定海縣卷第一

叙縣

沿革論

定海縣東南北三方距海中央微隆形如伏龜

秦會稽郡句章縣地也

越勾踐欲置吳王甬東杜預云句章縣東海中

洲也海中洲今昌國是已在定晉安帝時孫恩

寇上虞劉裕戍句章出戰賊退還浹口即今縣

之大小浹是已隋開皇九年併餘姚鄞鄮入句

章唐武德四年析句章置鄞州八年廢鄞州為

鄮縣則今定海地乃爲鄮縣之望海鎮元和十四年浙東觀察使薛戎奏棄望海鎮不屬明州從之詳見郡志錢鏐奄有吳越復以隸明州更名靜海鎮尋置望海縣梁開平三年也未幾改曰定海鄮亦改爲鄞

皇朝熙寧十年割鄞縣之海晏靈巖太丘三鄉隸本縣元豐元年割本縣之金塘鄉隸昌國定爲上縣九七鄉

境土

東西二百九十里南北二百五十七里

東至昌國縣界以本縣崇丘鄉青山嶼接海面
號鮫門山爲界縣東至海岸三里自海岸至
鮫門山約半潮折三十七里計四十里自界
首至昌國縣約一潮計二百里

西至鄞縣界五十里以本縣清泉鄉西陳渡浦
橋北爲界自界首至鄞縣一十五里

南至鄞縣界三十五里以本縣靈巖鄉河頭鋪
育王山壠爲界自界首至鄞縣三十五里

北至本縣岸二里即是海面直連至平江府海
洋爲界但以潮下行舟約一潮折二百二十

里其分界處係大海

東南到本縣海晏鄉烏崎山海洋爲界計一百一十里本縣至海洋一百五里自海岸至烏崎山五里其分界處係大海

西南到鄞縣界三十五里以本縣崇丘鄉褚浦堰東爲界自界首至鄞縣三十五里

西北到慈溪縣界一百二十里以本縣靈緒鄉東墟步爲界自界首至慈溪縣三十里

東北到本縣岸二里即是大海直接至昌國縣界以潮下行舟約半潮至昌國縣金塘鄉折

一百五十里自金塘至昌國縣二百里

風俗

帶江瀕海之地蠻舶之賈于明明舟之販于他
郡率由此出入鮫門虎蹲可以艤纜謂之泊潮
縣御前水軍雲屯數千竈人物阜繁魚鹽富衍
士習相承皆詩書禮義之訓而山谷之民耕桑
樂業有老死不識縣邑者俗多醇厚云

縣令

董文質

以主簿兼令尉太平興國四年四月到任五年十月得替赴銓

姚中和

以主簿兼令尉太平興國五年十一月到任八年十一月得替赴銓

李齊

以主簿兼令尉
太平興國八年十一月到任
雍熙三年四月省罷赴銓

梁雄

寺縣令	端拱元年
四月到任	五月衝替

張又

從上以太子左贊善大夫知端拱元年十月
從玄月_{到任}淳化元年七月得替赴闕自

是始差京朝官知蓋
本縣置市舶司故也

尹文化

以將作監丞知淳化元年七月
到任轉著作佐郎四年五月得替

張巽

以太府丞知淳化四年五月到任五
年改太子洗馬都人銓轄本州市舶司

馮璉

咸平元年遷著作佐郎二年正月得替赴

關

王穆

以大理寺丞知
年正月到任四年
十月滿

王

從以著作佐郎知
四從者一月到任景德元年咸平四年十
四月滿

劉謹以大理府事知年四月景德元

楊嶧以光祿寺丞知中祥符元年景德四年四月到任大

王臯以殿中丞知到任三年四月大中祥符二年

阮昌齡以殿中丞知任四年六月遷太常博士十月在任致

仕

呂仲奇以大理寺丞知四月到任六年三月大中祥符五年

李杭以著作佐郎知月到任七年十二月大中祥符六年七

李宋卿以太常寺太祝知七月到任九年五月大中祥符八年

桑衍以著作佐郎知到天禧元年八月大中祥符九年十月

楊文友以大理評事知十二月到任三年天禧元年

張士宗

以衛尉寺丞知天禧三年十二月到
任 乾興元年四月轉太子洗馬是月滿

樂沂

以大理寺丞知乾興元年
四月到任 天聖二年八月滿

張革

以著作佐郎知天聖二年八月到
任 四年七月轉秘書丞十一月滿

吳昭允

以大理寺丞知天聖四年十一月到
任 六年正月轉太子中舍七年四月滿

王淳

以大理寺丞知天聖七年
四月到任 九年六月滿

喬文睿

以太子洗馬知天聖九年六月到任
九月轉殿中丞 明道二年轉國子博

士當年十一月滿

王正民

以衛尉寺丞知明道二年十一月到
任 景祐元年十二月轉大理寺丞二

年十一月滿

成元吉

以國子博士知景祐二年十一月轉賓部員外郎五年二月

月得替赴關

劉伸

以衛尉寺丞知景祐五年二月到任寶元二年八月轉大理寺丞康定元年

正月滿

趙拯

以殿中丞知康定元年正月到任慶曆元年十一月轉太常博士三年三月就

移知封州

徐沆

以大理寺丞知慶曆三年四月到任四年九月丁憂

馬元康

以祕書丞知慶曆五年四月到任七年四月滿

袁穆

以太常博士知慶曆七年四月到任八年十二月致仕

馬用

以太常博士知皇祐元年三月到任二年九月轉屯田員外郎三年十一月滿

姚程

以大
理寺丞知
皇祐三年十一月

章隱之

以太
常寺太祝知
皇祐四年四月到
任至和元年正月轉大理評事二年

四月

鄭洙

以
殿中丞知
至和二年四月到任
嘉祐二年正月遷國子博士三年四月滿

李孝傑

以
大理寺丞知
嘉祐三年四月
到任四年八月移知信州貴溪縣

譚昉

以
大理寺丞知
嘉祐四年十一月到
任六年五月遷太子中舍十二月滿

鄭諤

以
殿中丞知
嘉祐六年十二月到任
三年三月遷國子博士上六月譚恩遷虞部

負外郎治平元年十二月滿

富隨

以
光祿寺丞知
治平元年十二月到任
二年九月改大理寺丞四年三月譚恩

轉太子右贊善大
夫當年十二月滿

李茂立

以尚書虞部員外郎知
二月二十七日到任
熙寧四年二月

三日

李公綽

以大理寺丞知
日到任
熙寧四年二月初三

月二十
八日滿

陳湜

以秘書丞知
熙寧七年四月二十
八日到任
當年七月十九日丁憂

崔積

以太子中舍知
熙寧八年四月
十八日到任
元豐元年四月滿

裴士諤

以尚書比部員外郎知
元豐元年四月
月二十七日到任
至二年六月內轉尚

書駕部員外郎三年
改朝請郎四年四月滿

朱敏功

宣德郎
元豐四年四月二十
八日到任
七年五月十三日滿

練定

宣德郎
元豐七年五月十三日
到任
八年四月二十五日丁憂

周斌奉議郎元祐元年四月二日尋醫

錢洵直右宣義郎元祐三年八月十一日到任

蓋士宣右宣德郎元祐七年七月二十日到任

趙士香左朝請郎元祐八年四月初二日到任

張輔之通直郎紹聖二年十月初二日到任

王嶠承議郎紹聖三年八月初一日到任

徐禔宣德郎崇寧元年八月初五日到任

尤絢通直郎崇寧四年十二月三十日到任

張逸朝奉郎大觀三年四月初一日到任

陳朴承議郎政和二年六月二十日到任

葉安節朝請郎到任七年政和三年四月二十八日滿

王大亮宣教郎到任宣和四年七月初二日滿

林正奉議郎到任十二月宣和四年七月初二日憂

江少虞宣教郎到任宣和五年八月十九日到任

張雍承議郎到任建炎二年正月二十四日到任

滿

盖大淵右承議郎到任紹興二年五月初七日滿

諸葛行敏左奉議郎到任紹興二年五月初八日丁憂

鄭僖右朝奉郎到任紹興四年二月初九日滿

章汝翼右宣教郎到任紹興五年十二月十四日轉右通直郎

二月十四日滿

蘇德秀

右宣教郎 紹興八年十二月十四日到任九年四月初二日轉右通直郎十四日

一年十二月二十七日滿

葉珏

左宣教郎 紹興十一年十二月二十五日到任十二年正月二十五日轉左奉議郎

郎

毛亶

右宣教郎 紹興十三年十一月二十九日到任十四年二月二十九日轉右通直郎

郎 十七年二月初二日滿

呂晉夫

右奉議郎 紹興十七年二月初二日到任二十年正月十一日轉右承議郎

二月初六日滿

趙沔

右通直郎 紹興二十年二月初七日到任二十三年二月二十一日任滿

郭鎮左承議郎 紹興二十三年二月二十二日 到任十一月十四日 轉左朝奉郎二十

六年四月二十日滿

林椿右承事郎 紹興二十六年五月初十日 到任二十八年十一月十五日 轉右宣義

郎二十九年二月十一日丁憂

呂柔中右通直郎 紹興二十九年正月二十日 到任三十一年九月 改差監潭州

南嶽廟

葛世顯右通直郎 紹興三十一年十二月二日 到任十九日 轉奉議郎磨勘轉

承議郎 乾道元年正月十八日滿

潘旦左從政郎 以令兼兵 乾道元年正月十八日 到任四年四月二十四日滿

胡傑右通直郎 乾道四年四月二日 到任磨勘轉奉議郎

沈時

右宣教郎 初四日到任 乾道六年八月

唐銓

右通直郎 兩經磨勘轉承議郎 乾道九年正月十一日到任 淳熙二年三月十

滿二日

劉嗣忠

宣教郎 日到任 十一月十一日丁憂 淳熙二年三月十一日

陳公亮

宣教郎 次年磨勘轉奉議郎 淳熙三年四月初五日到任 五年四月初八日

滿

楊克忠

宣教郎 六年十一月 淳熙五年四月初八日到任 磨勘轉奉議郎 八年七月

初五日滿

蘇光庭

宣教郎 九年七月 淳熙八年七月初六日到任 差監潭州南嶽廟

錢孜

通直郎 磨勘轉奉議郎 淳熙九年十月二十四日丁憂 淳熙二年二月十四日

曾梁

任通直郎
磨勘轉奉議郎
十三年四月二十三日
避

親離

唐叔翰

任通直郎
淳熙十四年十二月十五日
及考差監潭州南嶽廟

趙錢夫

任宣教郎
磨勘轉奉議郎
紹熙二年七月

初二日滿

陳造

任宣教郎
紹熙二年七月初二日到任
磨勘轉奉議郎
五年七月初十日滿

韓求德

任宣教郎
覃恩磨勘轉承議郎
致仕
五年七月初十日

秦澤

任宣教郎
慶元三年七月
三十日到不及考致仕

徐杲

任奉議郎
慶元四年八月二十五日
避嫌離任

王百揆

任朝奉郎
慶元六年正月初九日到任
該
嘉泰三年三月初三

滿日

商逸卿

宣教郎 磨勘轉奉議郎

嘉泰三年三月初三日 開禧二年四月十四日到任

滿日

趙奇夫

通直郎 嘉定元年

開禧二年四月初八日 因事離任 到任

崔端學

通直郎 三日到任

嘉定元年二月初一日 滿初

蔣綸

通直郎 磨勘轉奉議郎

嘉定五年二月初一日 到任 次

滿

錢憲邦

宣教郎 日到任

嘉定八年八月初四日 滿

趙秘夫

宣教郎 宣和八月初四日到任

嘉定十一年

施廷臣

宣教郎 宣和八年

嘉定十四年九月初六日到任

年十一月二十五日滿

趙汝瞻

通直郎日到任

嘉定十七年十一月二十五日
潭恩磨勘轉承議郎
寶慶

三年十二月十九日滿

陳績

通直郎

寶慶三年十二月十九日到任

社稷

壇在縣西一里 開禧元年令商逸卿修

城隍

廟在縣東南七十步梁貞明二年建

學校

皇朝雍熙二年主簿李齊始建

先聖殿于縣東二十步 至道元年令馮璉增

修 崇寧中 詔天下行三舍法因增廣爲學

宮 建炎四年燬于兵 紹興八年令章汝翼

改建于縣東北半里 慶元元年令韓永德重

建大成殿歷三令始備講堂曰明倫亦圮

嘉泰四年令商逸卿徹新之邑人胡大任黃君

中益地以拓學區嘉定四年令崔端學乃創

立四齋曰育英曰養賢曰升俊曰達材米有廩

祭有庫疊石爲泮水橋設重門于橋之外戟門

內新列兩廡八年攝守程覃捐緡錢四百委主

簿攝縣事戴栩於明倫堂之前護以儀門後立

直舍三間闢小學齋曰求益環泮水之岸皆甃

之十二年趙瑛夫宰邑相繼撥官產以埤學租

舊租之湮沒者覈實而附于石養士始僅足矣

商與崔之所建比日商實記之

祭器商逸卿修

祭服闕

御書

紹興御書

淳熙十六年頒降

寶慶訓敕士風御筆二軸

一軸漕司頒降
一軸本府頒降

官書

史記

二十四冊

兩漢書

四十冊

唐書

四十冊

右開禧元年令商逸卿置

通鑑要覽

右嘉定四年令崔端學置

錢糧

舊收米穀幾八百碩職掌不明遂多湮沒嘉定十二年令趙玘夫增置學租且驅磨舊租之數刻于石而湮沒之

米五百九碩九斛九升八合

穀五十四碩五斛

租錢六十貫文

城郭

縣城周環四百五十丈濠三百餘丈世傳錢氏

開邑時置

坊巷

嘉定八年主簿葉栢撰邑始立門牌各以坊市舊事建立

通利坊

乘安坊

景福坊

榮桂坊

淑孝坊

富德坊

亨濟坊

柔遠坊

棲鳳坊

孝行坊

和豐坊

保定坊

善慶坊

上安坊

清晏坊

洪化坊

僊桂坊

神秀坊

寶山坊

倉庫務場等

倉廩城內

庫縣庫

酒稅務縣東南一百二十步天禧五年置

澥浦稅場縣西北六十里

清泉鹽場縣南十三里崇丘鄉覺海院東

龍頭鹽場靈緒三都去縣一百里開禧元年置

穿山鹽場海晏二都去縣九十里乾道中立為清泉子場開禧二年改為正場

長山鹽場靈巖二都石湫碛下縣四十里舊隸清泉嘉定四年改為正場

居養院縣東一百三十五步元符二年建

安濟坊與居養院相鄰崇寧元年建久而皆地嘉定十四年令趙瑛夫重建安濟

院

漏澤園

縣西一里一百八十步
崇寧三年建

公宇

縣聽

梁貞明二年立
齊修建炎四年
皇朝雍熙元年主簿李
紹興元年令

蓋大淵重建
再建縣門其上為
淳熙四年三月令陳公亮
勅書樓
紹熙五年

樓圯千風六年
令韓永德重建

靜安門

前縣

迎恩門

嘉定八年主簿
戴栩權縣立

海光閣

舊名多稼亭在縣聽西北
嘉定十年
崔端學重建

清輝軒

海光閣前
三年令趙珙嘉定十年
夫立

永賴亭

淳熙十年新疊石甃海塘六百餘丈
六年通判林楠作亭臨之在水軍第一

將營之後

海晏亭

嘉定十五年增砌石塘五百二十丈又
建亭于統制衙後名以鎮海寶慶二

年守胡桀
改扁今名

航濟亭

縣東南四十步
使往還賜燕之地
元豐元年建為廳
建炎兵燹遂廢

柔遠亭

縣南五十步舊名巨川
徐禔重建更名
建炎四年燬于兵今

迎麾亭

縣西三里
權縣徐適成建今廢
靖康二年

官僚

丞

聽事
崇寧五年建
縣東一百二十

主簿

聽事
嘉祐八年令鄭譔奏請移寨于澗浦
縣東南一百步舊本水陸管界巡檢

以其地益簿聽聽剛有淮海樓為秦少游
作也建炎四年燬于兵慶元五年主

薄陳廣孫重建攻媿樓輪記之倅海程
題詠不及定海其實少游嘗在浙東帥程
開館中程辟之為定海薄而竟不至記文
謂調是官而未始至後人遂借公為重而
名斯樓斯
言得之

尉

聽事縣東八十步
淳化元年建

監酒

聽事縣東南一百步自水軍抱認酒
息錢省罷監官聽事遂為水軍酒務

監稅

聽事縣東南一百步
步柔遠亭之側

海內東寨巡檢

梁貞明二年置駐劄迎賓院
皇朝天聖中置土軍一百人建

聽事于縣東九十步
千兵有旨土軍併就西寨官省燬
建炎四年

海內西寨巡檢

聽事舊在縣西南三十步
定七年攝守程覃奏請移軍
嘉

屯烏嶠頭八年五月
十七日并聽事移建

白峯巡檢

建炎四年置就請寨撥隸土軍於海道晏鄉真修院慈灣院駐劄防捍海道

後緣海寇剽劫苦浦巡檢紹興二十六年守王侯奏降為海內巡檢下指使立寨午

補跳至今就海內寨撥隸土軍

水陸管界巡檢

聽事本今簿聽之址嘉祐八年移建漸浦在縣西北六十里

清泉監鹽

龍頭監鹽

穿山監鹽

長山監鹽

四縣官聽事各在本場去縣遠近已見本場注龍頭長山二場自寶慶

二年提鹽余鑄奏選碎文資

驛鋪

五

濟川館

縣南三十步舊名利涉崇寧三年火紹興八年令張汝翼重建改名濟川

淳熙初令唐銓重修久而圯嘉定元年三月令趙奇夫重建易亭曰館崔端

學繼之始落其成

西門鋪

縣郭南至清水鋪二十五里北至縣五里

清水鋪

清水坊前南至縣二十五里桃花鋪三十五里

河頭鋪

育王河頭西至縣二十五里蘆浦鋪五十里

蘆浦鋪

穿山磯東渡海洋至昌國縣

叙山

候濤山縣東北八里一名招寶山耆舊相傳山

下有蚌生明珠往來波濤之間漁人或得之

即光耀逼人駭浪繼作舟不可行投之乃止
巾子山縣東北八里與候濤山形勢相控爲潮
水出入之障蔽邑無水患者兩山之力非二
山障蔽不可爲邑矣

金雞山候濤山外海口世傳山內有金雞正鎮
海門

鮫門山縣東四十里一名嘉門其山環鎖海口
出鮫門則大洋也

虎蹲山縣東二里屹立海口象形而名之
游山縣東二里海中

印山縣東一里

梓蔭山縣東一里統制馮柄夷而築之上建屏

山堂

竹嶼山縣東南一十二里

青嶼山縣東南一十五里

樂家嶼山縣東南二十五里

蘆山縣東南石湫浦

鬼嶼山縣東南石蓮灣好事者易名寶嶼山

小三山縣東南四十五里

啓霞山縣東南七十里

栢香巖啓霞山下

紫石頭山縣東南八十里以石色得名

雲霄山縣東南八十里

瑞巖山縣東南九十里山有十二峯

皇朝大中祥符五年有芝草生于青松峯之

下守臣康孝基奏奉

勅獎諭云和氣所蒸靈苗載育時惟珍物著

厥祥經省覽貢陳良增嘉媿想宜知悉

詔碑具存

大蓬山縣東南一百里

烏崎山縣東南一百一十里

大榭山小榭山縣東南一百二十里

盤嶼山縣南七十里水繞太白山陰而出凡三

十六盤

靈巖山縣南四十里

陳山縣南三十五里

飯盞山縣南三十里

剡奧山去縣十五里下有泗洲堂

長山縣南十五里

南山縣南十里

東山縣南十里與南山對峙

龍山縣西南三十五里形勢如龍

慈嶼山縣西南九十里耆老相傳左慈嘗隱此山故以爲名

筭嶼山縣西七十里

新婦山縣西北六十里

石壇山縣西北七十五里其山有石如壇

伏龍山縣西北八十里一名箬山其山跨東海西海之門宛若龍頭龍尾之形又若龍赴海之狀因名伏龍山內有刺史門石壇乳井產

湄子木水產紫菜獨勝他所著名伏龍菜餅

叙水

渠堰礮閘橋
梁津渡附

水

海環縣之東南北山勢盤旋潮泥積淤善經理
之皆可爲田稍失隄防風潮衝擊則平田高
岸悉爲水鄉 淳熙十年令唐叔翰與水軍
統制王彥舉統領董玠申府聞于 朝支降
錢米倣錢塘江例疊石甃塘岸六百二十丈五
尺 嘉定十五年接連增甃五百二十丈蓋
府荐有請 朝廷續賜費也其工役縣尹施

廷臣水軍統制陳文分董之塘有峻坡捍禦甚固本縣又準行下於石塘盡處再築土塘三百六十丈以續之有永賴海晏二亭臨石塘之上經始之難後來者不可忽

大浹江縣南一里與鄞江通

小浹江縣南一十五里

富都湖縣南五十五里又曰萬金湖周環三十里溉民田二百餘頃

彭城湖縣南四十五里溉民田一百餘頃夏侯曾先地志云墻下湖周環一十里即此湖也

楊溪縣南三十五里

章家溪縣南三十里

新婦潭縣南十五里有娘娘祠

石湫縣東南三十里水源出太白王荆公經行

記所謂下靈巖浮石湫之壑是也鄭瓚黃中
有詩云一水玻璃似茗雪羣山俎豆勝方壺

華家匯縣東南二十五里

石蓮灣縣東南三十五里

朱家浦縣東南四十里

槎浦縣東三十里

東泉池在縣東泉有二脉其東之脉鹹其西之脉甘甘泉常盈雖遇旱暵不耗竭鹹者多涸有時而出味未嘗雜

皇朝嘉祐三年令鄭洙以石甃四旁其廣二十餘丈其長居廣之半其深得長四之一邑人至今蒙其利

鳳浦湖縣北七十里

沈窖湖縣北一百里溉民田數百頃

清水浦縣西三十里

渠堰硤閘

通山硤縣東南海晏鄉一百里 慶曆七年荆

國王公安石宰鄆縣時鑿山爲之

張監硤縣西五里

石湫硤縣南三十五里

黃滿堰縣南十五里

太博堰縣南三十里

地埭堰縣南三十里

楊木堰

橋梁

善慶橋縣側半里

嘉定橋

縣東一里

曹家橋

縣東一里

市西橋

縣西二里
唐開元中建

通利橋

縣西二里

雙橋

縣西二里

小浹江橋

縣南一十五里
熙寧六年建

和尚橋

縣南十八里

大明洋橋

縣南二十里
嘉定中重建

衛家橋

縣南二十五里

雙緯橋

縣南二十五里

童家橋縣南二十五里

蔣博橋縣南二十七里

石湫市橋縣南三十里
寶慶二年重建

四柱橋縣南三十里

師姑橋縣南十五里

呈聖橋縣東南五十里

撞山橋縣西二十里

三石橋縣西三十五里
唐貞元八年建

孔浦橋縣西五十里
乾祐元年建

駱駝橋縣西五十里
建隆元年建

一百三十四
澥浦橋縣西北六十里
唐大和二年建

石橋縣西南三十里
皇祐年中建

津渡

大浹渡縣南一里

小浹渡縣南一十五里

東江渡

朱家渡

胡家渡

蘆浦渡縣東一百里
乘半潮可抵昌國縣

叙產
邑志見

定海縣志卷第一

四明志卷第十九

定海縣志卷第二

叙賦

鄉村

清泉東鄉縣西管里一村三

上湖里

山下村

黃泥堰村

金川村

清泉西鄉縣西管里一村三

光政里

梢木村

鸕鷀村

孔浦村

靈緒鄉縣西北管里一村五

達禮里

莊北村

橋北村

伏龍村

筋竹村

東墟步村

崇丘鄉縣南管里一村四

長陳里

泥灣村

小浹村

樟桐村

韓嶼村

靈巖鄉縣南管里一村三

金泉里

櫻豆村

河頭村

嘉溪村

太丘鄉縣東南管里二村四

富都里

古曰慈輿里

石湫里

富都村

栗湖村

亭子堰村

小榭村

海晏鄉縣東南管里一村九

太寧里

小門村

紫石村

太平村

大明村

馬婆村

蘆江村

大涂村

小涂村

大榭村

鎮市

澥浦鎮縣西北六十里

澥浦即古所謂渤澥有崑崙之山東有渤澥

之島俗訛為蟹浦

城西市縣西五里

江南市縣東南七里

石湫市縣東南三十里

田畝

田三十五萬六千七百五十畝三角河塗不與

戶口

主一萬七千四百七十一戶計四萬九千九百

五十一口

客一千六百四十八戶計六千五百四十一口

夏稅

絹九千五百三十一匹九尺八寸三分

正稅四千七百八十二匹九尺八寸三分

和買四千七百四十九匹

紬二千三百二十九匹二丈七尺九寸八分

正稅一千一百三十一匹二丈七尺九寸

八分

和買一千一百九十八匹

綿一萬八千六百六十一兩四錢六分

折變

折帛錢

絹二千二十二匹計錢一萬三千四百
四十一貫五百文

正稅五百九十七匹每匹折錢七貫
文計四千一百七十九貫

和買一千四百二十五匹每匹折錢
六貫五百文計九千二百六十
二貫五百文

紬一千四百五十五匹計錢九千七百

六貫文

正稅四百九十七匹每匹折錢七貫
文計三千四百七十九貫文

和買九百五十八匹每匹折錢六貫
五百文計六千二百二十七貫

文

綿七千三百九十兩每兩折錢四百文
計二千九百五十六貫文

亭戶折鹽

綉一百七十二匹二丈一尺三寸一分

紬六十一匹二丈五尺六寸一分

綿五百九十二兩九錢一分

蠲免清泉鄉下戶綉一百六匹淳熙十年指揮詳見郡

志

實催本色

綉七千二百三十匹三丈八寸九分比元額增

二尺三寸七分補所虧細數

紬八百一十三匹比元額虧二尺三寸七分入綉數

綿一萬六百七十八兩五錢五分

秋稅

苗米二萬一千六百一十五碩五斛五升

折變

糯米五百二十五碩折苗米五百三十四

碩五升二合

亭戶折鹽米九百六十七碩三斛四合

實催本色二萬一百一十四碩二斛一升四

合

酒

水軍庫抱認省務淨息歲額一萬九千三百一

十貫文

省務元差官監當支降本柄造賣
繼因本縣屯駐水軍置立犒賞酒

庫樓奪課

利乾道中守趙伯圭開于
朝罷官監令水軍承抱開禧元年軍

與復為省務二年水軍承抱如舊初立息
額二萬四千四百一十七貫五百八十文

其後趁辦不敷紹熙二年水軍
乞減價賣酒裁定今額均月解府

諸司一萬四千六百八十三貫四百七十六

文

本府四千六百三十一貫九百八十八文

醋息錢一百八十貫文

人戶買撲酒坊一十六所

鳳浦坊

沈窖湖坊

青嶼坊

長山坊 靈緒坊 賈奧坊

蘆江坊 小榭坊 慈奧坊

清水浦坊 石湫坊 澥浦坊

駱駝坊 栗湖坊 莆陳坊

稍村坊

歲額淨息錢八千一百九十七貫五十五文

常平司六千七百一十八貫一百五十一

文

本府一千四百七十八貫九百四文

商稅
以寶慶元年為準

歲額錢二萬七千六百貫文

諸司一萬四千二百二十四貫四百八十八

文

經總制司六千五百八十一貫四百九十

六文

糴本司七千六百四十二貫九百九十二

文

本府一萬三千三百七十五貫五百一十二

文內豁除諸司頭子錢七百一十貫一

百二十七文實收一萬二千六百六十

五貫三百八十五文

雜賦

免役錢兩料共一萬八百五十二貫四百四十

八文

縣吏支四千九百九十五貫四百一十二文

本府四百七十二貫文

解發減省人吏錢在京官真寔錢及支府

吏錢並在內

經總制司五千五十二貫四百八文

官戶不減半二百二十七貫六百四文

提舉司頭子錢一百五貫二十四文

小年
定治三六二

茶租錢五百八十九貫九百二十三文

水脚錢六百五十二貫五百八十七文

租堰錢四十四貫五百八文

租渡錢五百四十一貫三百六十八文

房廊錢一十九貫八十文

城基錢一百四十一貫四十八文

河渡錢二百二十三貫七百四十文

專隸常平司

職田

米額六百一十七碩九斗八升一合二勺

除册江事

故出豁外實催四百六十八碩五斗三升七合七勺

鹽

清泉場歲額四千九百八袋

龍頭場歲額一千八百七十七袋二碩

穿山場歲額三千袋

長山場歲額三千袋

叙兵

水軍

御前軍駐劄定海凡四千人營在縣後五里統制衙在縣東一里本末已見郡志茲不復詳

弓手

縣尉司額六十五名

土軍

水陸管界寨額一百二十人今一百七十人

鎮

海內寨額二百四十人今一百五十人

本海內白峯二

寨各管額一百二十人後白峯止作海內
巡檢下指使至今係海內寨撥隸土軍海

內寨在烏埭頭白
峯寨在午桶跳

叙人

已見
郡志

叙祠

神廟

東海助順孚聖廣德威濟王廟在縣東北五里
皇朝元豐元年左諫議大夫安燾起居舍人
陳睦奉使高麗還十一月請建廟

勅封淵聖廣德王

按續通鑑安燾言東海之神已有王爵獨無廟貌乞

於明州定海昌國兩縣之間建祠宇往來商旅聽助營葺從之仍令為屋百間今考本廟

累封誥勅自乾道前並無東海字蓋熹之言如此然是時實有東海廣德王廟在萊州不可謂無故封誥
崇寧二年 賜額崇聖
不盡如熹言也

宮 大觀四年加封助順二字仍建風雨二
神殿於左右 宣和五年又加顯靈二字封
風神曰寧順侯雨神曰寧濟侯且撥賜官田
五頃皆因高麗使回奏請也廟碑知制誥鄧
潤甫撰知明州王誨書 建炎四年

車駕幸海道二月十日有

旨改封助順祐聖淵德顯靈王廟燬于兵

紹興二年重建 乾道五年九月二十四日

勅賜今封四海神於祀典甚尊

國朝淳化二年因秘書監李至言祀東海廣
德王於萊州南渡以來萊州道絕 乾道誥
書加東海二字於封爵之上正祀典也每歲
春秋及 郊祀告報必 降祝文書嗣皇帝
某謹遣臣某官某昭告于某神非常祀比矣
初 賜宮額本以奉神歲度道士俾主香火
宣和五年道士乃請淵德觀額 紹興重建
遂祀神於廊廡以觀爲主而神附之甚失
朝廷崇奉之意會道士告觀廡將圯郡爲聞

于 朝寶慶三年守胡槩以颶風猛雨交作
又舉唐孔戣薦饗南海故事申請專置廟宇
得祠牒一十有五郡增給緡錢且勸率士夫
民旅助之統制司輟瀕海房廊十五間之址
拓築海塗面東迎洋立殿三間翼以夾室風
雨神列殿前之東西拜謁有庭獻官有位門
閤高宏拱護嚴翼時 紹定元年也

東嶽行宮縣東北五里直招寶山下

皇朝紹興八年建

助海顯靈侯廟縣西五里侯姓孔象山縣童翁

浦人行第七志操剛烈爲鄉里所憚咸不敢
斥其名侯死有富都監巡吏劉贊夢侯告曰
上帝錄吾平生之善命爲此境神姓名已籍
于水府而吾屍泛濫沙浦君能收而窆之且
創數楹俾有棲託必爲民利贊訪其屍果如
所夢乃即所居地葬而祠之錢氏有吳越靜
海鎮將以排筏航海驚濤危甚夢侯許以冥
祐順風而濟旣歸乃立廟于鎮兵部侍郎皮
光業記之

皇朝建炎中

車駕幸海道賜號顯靈

洋山廟縣東北五里山在昌國縣之東北海中
唐大中間黃洽記其廟以爲隋煬帝建炎
四年

車駕幸海道加封其二妃曰惠曰順夫人曰
明德此別廟也是年燬千兵 紹興五年重
建

忠嘉威烈惠濟廣靈王廟縣西北三百步
皇朝宣和五年方臘之亂郡邑岌岌賴神助
得免邑人於是請立廟後燬于兵 紹興六

年重建

昭利廟縣東北五里 宣和五年侍郎路允迪
給事傅墨卿出使高麗涉海有禱由是建廟
燬于兵 紹興五年重建

覺海威顯侯廟縣南一十里舊號山仙廟 建
炎中

車駕幸海道賜令額 開禧二年令商逸卿
修建新閣且記之

陳山忠應侯廟縣南一十五里舊號陳相公廟
建炎中

車駕幸海道賜封

雲霄三公廟縣東南八十里與鄞境接廟不知所自始其神冕而九旒垂黹纁被山龍黼黻為旱禱輒應主簿永嘉戴栩記之謂穀梁氏所謂應乎上公而通乎陰陽者也

宮觀

淵德觀縣東北五里

皇朝元豐元年始建淵聖廣德王廟委道士奉香火 崇寧二年戶部侍郎劉達給事中吳玘使高麗回奏歲度道士一名三年 詔

天下建天寧萬壽觀以本州崇壽宮改置四年知縣事徐禪因請其額寘本廟宣和五年改今額

寺院

禪院七

開善院縣東南九十里唐景福二年置名瑞巖
皇朝治平二年改今額常住田一千九百六十畝山八千二百七十八畝

雲巖山旌教院縣南四十里唐廣明年中置
皇朝大中祥符元年賜今額常住田九百二

十一畝山二千八百九十六畝

宜獻公樓鑰有題雲巖詩

去但見雲生谷初無石似巖得名非舊觀買地作精藍境勝環脩竹門深擁翠杉禪林自

佳趣莫開後三三

崇梵院縣東南七十里唐天復元年置名啓霞

皇朝寶元元年改今額常住田三百二十六

畝山四千八百七十畝

明慧院縣東南七十里唐乾寧三年置名保安

皇朝治平元年改今額常住田二百二十八

畝山三百四十畝

資聖院縣東南六十里唐大順二年置名資福

皇朝治平元年改今額常住田二百三十畝
山九十畝

本覺院縣東南一百二十里舊名彌勒周顯德
六年置

皇朝治平二年改今額常住田一百八十五
畝山三百六十畝

妙勝院縣西三十里後唐清泰年中置名永安
皇朝治平元年改今額常住田五百畝山無

教院六

正覺院縣西北六十四里周廣順元年置名回

峯

皇朝治平二年改今額常住田二百四十四

畝山九十畝

院有清風軒王巨詩去海風拍枕燈初曉山雨打窻人正寒料

得此軒秋更好怒濤堆月上闌干

求寧院縣西十五里舊名寧波晉天福中置

皇朝治平元年改今額常住田六百六十畝

山無

觀音院縣東北一里

皇朝皇祐中建常住田二百一十二畝山無

妙音院縣西二里

皇朝元豐年中置 建炎元年徙本州妙音
院額以爲額常住田二百七畝山無

覺海院縣南一十三里唐會昌二年置名清海
皇朝大中祥符元年改今額常住田三百七
十二畝山二百二十五畝

幽棲院常住田六十二畝山無

十方律院五

淨居院縣南二十里唐乾寧元年置名龍明
皇朝治平元年改今額常住田三百五十八
畝山七百畝寺之青林山舊有鰻井久而湮

嘉泰中旱令商逸卿訪故迹而禱之即獲甘
靈商信之篤政成抔土以往後守南劍因旱
取土置水祈而得鰻遂雨豈至誠所感固如
是耶

惠寂院縣南七十五里晉開運年中置名蘆浦
庵

皇朝治平元年改今額常住田一百一十九
畝山二百八十畝

息雲院常住田一十畝山無

廣福院縣西北八十里伏龍山間舊名咸通伏

龍禪院唐咸通三年置

皇朝熙寧中改壽聖 紹興三十二年改今
額寺有一井冬夏常溫應潮增減名海眼泉
常住田二百六十畝山一千六百四十八畝
泗洲院縣南三十里後唐清泰四年有石佛因
水自山流下僧清立因立精舍常住田三十
一畝山無

甲乙律院十三

寂照院縣南九十里梁貞明中置名保安

皇朝治平二年改今額常住田一百六十二

畝山七百三十四畝

真修院縣南一百里唐大順三年置名門浦報恩

皇朝治平元年改今額常住田五十三畝山七百一十四畝

總持院縣東北一里唐乾寧三年置名護境皇朝大中祥符元年改今額常住田六百二畝山無

崇法院縣西一十五里舊名回向院

皇朝建隆三年置治平元年改今額常住

田三百三十二畝山無

慈濟院常住田四十三畝山一百畝

靈峯院縣南四十里周廣順元年置名保安

皇朝治平元年改今額常住田二百三十畝

山七百八畝

淨嚴院縣南三十里漢乾祐二年置名練盆

皇朝治平元年改今額常住田一百三十畝

山一百五十一畝

興善院縣南五十里唐天成二年置名保安

皇朝治平二年改今額常住田六十畝山無

慈化院常住無

顯教院常住無

能仁院常住無

崇先院常住無

永福院常住無

敘遺

車駕巡幸

已見
郡志

紀異

碁子坪在候濤山半山之間有小沙灘其下通
海出石碁子人欲取之先以白米或黑豆撒

其中翼日得碁子各隨其色

縣南四十里有壺山土常赤世傳葛仙翁鍊丹之處

淳祐二年夏六月縣產粟一莖雙穗者三四穗者一前所未見時添倅趙體要沿檄至縣得之以遺郡守陳壇邦人皆以為豐年之瑞守圖其狀揭之郡齋以驗邦人之言

存古

虞世南墓在澥浦鎮靈緒鄉山北

定海志卷第二